

यदि वा, cui praemitti potest यद्वा, Bhag. Gît. III, 23. *utrum-an.* यदि वा propter additam particulam वा proprium occupat locum in altera disiunctionis parte, tum in enunciationibus, ut Hitop. p. 19. l. 7. quum in singulis vocibus; abit enim vox यदि वा in simplicem disiunctivam particulam: Hitop. I, d. 110. d. 54. Bh. G. VI, 32. Man. XI, 114. 232. etc.

18. *Omitti* potest यदि, ex. gr. G. G. IV, 20, c. VII, 30. etiam compositi यद्यपि, ut Hit. I, d. 25. Ram. II, LI, 14. त्रीवेदपि हि मे माता-तद्दुःखं यदि etc. Sequentes eadem quae omissa est particula, conditionalis sententiae natura nihilominus indicata est. Similis est ratio loci ibid. LXI, 11, ubi praemisso यदि conditionali, omittitur यदि dubitativum postponendum: यदि पञ्चदशे वर्षे राघवः पुनरेष्यति । ज्ञात्वा द्वायं च कोशं च भरतो नोपलक्ष्यते ॥ si modo redux erit Ramas, haud magnopere curatur, *utrum* Bharatas etc.

19. Haec sunt, quae in praesentia de hac coniunctione disputare constitui; intacta reliqui nonnulla, quia aut ad exceptiones pertinent, aut quia ad ea diiudicanda aliis eisque longioribus disputationibus opus est. Qualis est iunctura यदि et चेत् in eadem periodo. Bh. G. III, 23—24. Unum tamen locum sui generis quod sciam unicum nunc tractare non pigebit.

20. Sâvitryupâkh. V, 99. legitur: [कामये दर्शनं पित्रोर्याहि सावित्रि माचिर ।] पुरा मातुर्पितुर्वापि यदि पश्यामि विप्रियं । न त्रीविष्ये वरारोहे सत्येनात्मानमालभे ॥ quem obelo notavi, versus spurius est; distichon excedit et satis est ieiunus. Sed hoc obiter. Sensus distichi dubius non esse potest: potius vivere desinam, quam videam. At hoc singulare est, quod coniuncta sint पुरा et यदि et comparisonis notio insit enunciationi, पुरा enim valet *olim*. Ram. I, XXVII, 19. Versatur autem tota comparisonis quae sistitur duarum actionum vis in पुरा quod h. l. valeat necesse est *antequam*; ad verbum igitur erit: *antequam* ut videam, यदि positum est eodem fere modo, qui in locis §. 16. laudatis obtinet et est *deprecantis*. पुरा isto sensu legitur Râm. I, XXVIII, 19. अलं ते वृणया राम पापैषा दुष्टचारिणी । यन्नविघ्नकरी यन्ती पुरा वर्धेत मायया ॥ »antequam augeatur Magiâ« et mox, 20: बध्यतां तावदेवैषा पुरा संध्या प्रवर्तते । *antequam* crepusculum irruat. Potentialis autem est prioris distichi, quia res est, quae fieri possit, non fiat necesse est, indicativus posterioris, quia res memoratur de qua non possit dubitari, quin fiat. Hinc etiam enoda, cur post एतादृश similesque locutiones, ut Hitop. p. 11, l. 5. non necessario sequatur potentialis. Id ab aliis pendet rationibus, quas huius loci non est explicare.